

文淵閣

影印本

四庫全書

影印

文淵閣四庫全書

第七一三冊

北京出版集團公司
北京出版社

本册目次

大學衍義補(二)

明 丘濬撰……………一

欽定四庫全書

子部
大學衍義補卷八十五至八十七

欽定四庫全書

大學衍義補卷八十五

明 丘濬 撰

治國平天下之要

備規制

都邑之建上

書禹貢曰冀州

蔡沈曰冀州帝都之地八州皆言疆界而冀不言者

欽定四庫全書

大學衍義補
卷八十五

以餘州所至可見亦所以尊京師示王者無外之意

臣按朱熹語錄冀都正是天地中間好風水山脉

從雲中發來雲中正高脊處自脊以西之水則西

流入於龍門西河自脊以東之水則東流入於海

前面一條黃河環繞右畔是華山自華山來至中

為嵩山是謂前案遂過去為泰山聳於左淮南諸

山為第二重案江南諸山為第三重案觀是言也

則知古今建都之地皆莫有過於冀州可知矣虞

詳校官中書臣秦瀛

侍讀臣孫球覆勘

總校官編修臣王燕緒

校對官中書臣石鴻緒

騰錄監生臣孫鯤

夏之時天下分為九州冀州在中國之北其地最廣而河東河北皆在其域中四分之一舜分冀為幽并營幽與并營皆冀境也就朱子所謂風水之說觀之風水之說起於郭璞謂無風以散之有水以界之也冀州之中三面距河處是為平陽蒲坂乃堯舜建都之地其所分東北之境是為幽州太行自西來演迤而北綿亙魏晉燕趙之境東而極於醫無閭重岡疊阜鸞鳳峙而蛟龍走所以擁護而圍繞之者不知其幾千萬重也形勢全風氣密堪輿家所謂藏風聚氣者茲地實有之其東一帶則汪洋大海稍北乃古碣石淪入海處稍南則九河既道所歸宿之地浴日月而浸乾坤所以界之者又如此其直截而廣大也况居直北之地上應天垣之紫微其對面之案以地勢度之則秦岱萬山之宗正當其前也夫天之象以北為極則地之勢亦當以北為極易曰艮者東北之卦也萬物之

所以成終而成始也艮為山水為地之津液而委于海天下萬山皆成于北天下萬水皆宗于東於此乎建都是為萬物所以成終成始之地自古所未有也茲蓋天造地設藏之以有待我太宗文皇帝初建藩于此既而入正大統乃循成王宅洛故事而又于此建都焉蓋天下王氣所在也前乎元而為宋宋都于汴前乎宋而為唐唐都于秦在唐之前則兩漢也前都秦而後洛然皆非冀州境也雖曰宅中圖治道里適均而天下郡國乃有備之而不面焉者我朝得國之正同乎堯舜拓地之廣過于漢唐書所為東漸西被朔南暨聲教訖于四海僅再見也猗歟盛哉孔子曰為政以德譬如北辰居其所而眾星共之易曰離萬物皆相見南方之卦也聖人南面而聽天下嚮明而治夫以北辰為天之樞居微垣之中而受眾星之環拱天之道固在北

也天之道在北而向之所嚮則在乎南焉今日
京師居乎良位成始成終之地介乎震坎之間
出乎震而勞乎坎以受萬物之所歸體乎北極
之尊嚮乎離明之光使夫萬方之廣億兆之多
莫不面焉以相見則凡舟車所至人力所通者
無不在於照臨之中自古建都之地得上得天時
下得地勢中得人心未有如今日者也況此乃
蘇秦所謂天府百二之國杜牧所謂王不得不

欽定四庫全書

大學衍義補
卷八十五

四

可為王之地牧之言曰禹畫九州一曰冀州舜
以其太大離為幽州其人沈鷲多材力重許可
能耐音辛苦本兵矢他不能蕩而自若也復產
健馬下者日馳二百里所以兵嘗當天下則其
兵馬之強在昔則然矣且其地瀕大海在秦始
皇時起黃腫瑯琊負海之粟轉輸北河是時
海運通于茲矣唐杜甫謂漁陽豪俠之地雲
帆轉遼海稷糴來東吳則唐時又通東吳之粟

于此馬元之盛時漕東南粟至燕歲幾至四百

萬石而南方之貨亦隨以至是蓋天生鉅海以
為國家餽道不假通渠轉漕自然而成者也則
其食貨之豐有非他方可及可知已噫兵食俱
足文武竝用向明以用文則有以成文明之化
備幽以建武則有以張震疊之威臣故曰自古
建都之地得上得天時下得地利中得人心皆
莫有如今日者此也雖然居之安者不可不思

欽定四庫全書

大學衍義補
卷八十五

五

其危享全盛者不可不為衰微之慮詩不云乎
殷鑒不遠在夏后之世自昔都燕者始于召公
而極于金元皆上不足以當天心下不足以乘
地利而其事勢則有可以為鑒戒者焉是必固邊圉
選將帥強兵馬豐貨食使國勢壯而外地不敢
興窺伺之心謹法度用賢才省刑罰薄稅歛使
朝綱正而生靈不敢萌背畔之念如此則國家
如泰山之安與天地相為悠久矣

名誥惟二月既望十六日也越六日乙未王朝步自周編

則至于豐豐鎬至洛邑俱三百里惟太保先周公相宅越若來

古語三月惟丙午朏月出也三日越三日戊申太保

朝至于洛卜宅厥既得卜則經營越三日庚戌太保

乃以庶殷殷之衆庶攻位于洛汭越五日甲寅位成若翼

日乙卯周公朝至于洛則達觀于新邑營經營之位越三

日丁巳用牲于郊牛二越翼日戊午乃社于新邑牛

一羊一豕一越七日甲子周公乃朝用書從書命庶殷

欽定四庫全書大學衍義補卷八十五六

侯甸男邦伯

蔡沈曰周鎬京也去豐二十五里文武廟在焉成

王至豐以宅洛之事告廟也成王在豐使召公先

周公行相視洛邑召公于豐迺遷而來也卜宅者

用龜卜擇都之地既得吉卜則經營規度其城郭

宗廟郊社朝市之位位成者左祖右社前朝後市

之位成也周公至則徧觀新邑所經營之位郊祭

天地也故用二牛社祭用太牢禮也皆告以營洛

之事春秋傳曰士彌牟晉大名營成周計丈數揣度

曰高低度厚薄奴度深溝洫物土方議遠邇量事

期計徒庸慮材用書餼乾食糧以令役於諸侯亦此

意又曰左傳曰武王克商遷九鼎于洛邑史記載

武王言我南望三塗山名北望嶽鄙太行山下都鄙之地顧瞻

有河粵瞻洛伊毋遠天室營周居于洛邑而後去

則宅洛者武王之志周公成王成之召公實先經

理之洛邑既成成王始政召公因周公之歸作書

欽定四庫全書大學衍義補卷八十五七

致告達之于王其書拳拳於歷年之久近反復乎

夏商之廢興究其歸則以誠小民為祈天命之本

以疾敬德為誠小民之本一篇之屢致意焉古之

大臣其為國家長遠慮蓋如此

洛誥惟三月周公攝政七年之三月哉始也生鬼十六日也周公初基

作新大邑于東國洛四方民大和會侯甸男邦采衛

百工百官播民和見士于周周公咸勤乃洪大誥治此條

本洛誥文誤在康誥

呂祖謙曰斧斤版築之事亦甚勞矣而民大和會悉來赴役即文王作靈臺庶民子來之意

周公拜手稽首曰朕復如逆復子明辟辟君

子惟乙卯即召誥之乙卯朝至於洛師猶言京師我卜河朔黎水河北

水東亦惟洛食使也來以圖洛之地圖及獻卜之兆辭也

蔡沈曰此下周公授使者告卜之辭拜手稽首者史記周公遣使之禮也成王命周公往營成周周公得

卜復命於王也澗水東瀍水西王城也朝會之地瀍水東下都也處高民之地王城在澗瀍之間下都在瀍水之外其地皆近洛水故兩云惟洛食也

陳大猷曰成王實都鎬京特往來朝諸侯祀清廟於洛故鎬京謂之宗周以其為天下所宗也洛邑謂之東都又謂之成周以周道成於此也洛邑天下之至中豐鎬天下之至險成王於洛邑定鼎以朝諸侯所以承天地冲和之氣宅土中以治四海其示天下也

欽定四庫全書

大學衍義補 卷八十五

八

公於鎬京定都以壯基本所以據天下形勝處上游以制六合其慮天下也遠漢唐竝建兩京蓋亦識形勢之所在而有得於成王周公之遺意歟

臣按此古人都洛之始而竝建兩京者亦始於是

馬夫武王得天下都於豐鎬成王繼其志即有宅

洛之舉亦猶我太祖建都於吳而太宗繼之而又

建都於燕也成周之後漢唐宋皆竝建兩京然漢

唐皆以長安為西京洛陽為東京宋以汴為東京

欽定四庫全書

大學衍義補 卷八十五

九

洛為西京其地皆接壤相去不甚遠也惟我朝則

以南北為稱蓋跨江南北而各為一大都會也仰

惟我高皇帝定鼎金陵天下萬世之大利也文皇

帝遷都金臺天下萬世之大勢也蓋天下財賦出

於東南而金陵為其會戎馬盛於西北而金臺為

其樞竝建兩京所以宅中圖治足食足兵據形勢

之要而為四方之極者也用東南之財賦統西北

之戎馬無敵於天下矣

詩文王有聲其第二章曰文王受命有此武功既伐於崇

作邑徙都也於豐即崇國地在今鄠縣文王烝君也哉其七章曰考稽也

卜維王宅居也是鎬京在豐水東維龜正決也之武王成居也之

武王烝哉

朱熹曰此詩言文王遷豐武王遷鎬之事

朱熹曰大命自文王而始集故武功自文王而始成

伐崇所以除天下之暴作豐所以立天下之本有以

除天下之暴則人心服有以立天下之本則人心歸

欽定四庫全書

大學衍義補

十

此文王之所以克君也又曰武王之遷鎬非以徇一

己之私也必考之於卜以定其宅焉惟龜為能致其

決惟武王為能成其事則武王之遷固將上以承天

意下以順民心前以承先王之志後以開無窮之基

信乎其克君也哉

臣按周家自后稷居郃公劉居豳太王邑岐而文

王始營鎬邑至於伐崇又作豐邑居之武王又於

豐旁近地二十五里制為鎬京蓋其所以遷者以

勢益大人益眾不足以容之故也蓋當彊盛之時

而為遷都之舉非若後世衰微而後遷也是故自

郃而豳而岐而豐而鎬而又宅洛此周家所以日

盛也至於平王而東遷則淪於衰微矣竊嘗論之

遷都之舉惟可於方盛之時至於衰微而遷者未

有能復興者也觀諸東周東晉南宋可見矣惟光

武遷洛則是中興非衰微也

高頌玄鳥之篇曰邦畿千里維民所止居也肇開也域彼四

欽定四庫全書

大學衍義補

十一

海

朱熹曰言王畿之內民之所止不過千里而其封域

則極乎四海之廣也

嚴粲曰京師諸夏之本王圻之內人心安止則四海

之大皆在統理之內也

臣按先儒謂王畿自東自西自南自北皆千里也

千里之內為畿是皆聲明文物之所萃衣冠禮樂

之所會為鈞天帝居之尊非復陋邦僻壤之比農

願耕於其野高願出於其塗賈願藏於其市咸得
吾所當止之地也豈不猶大學之止於至善乎故
曾子傳大學首引此詩語以釋在止於至善之義
有由然也

殷武之五章曰高邑翼翼整貌四方之極表也赫赫顯盛厥

聲濯濯光明厥靈壽考且寧以保我後生

朱熹曰高邑王都也言高宗中興之盛

輔廣曰高宗中興王都始復翼翼然為四方之儀表

欽定四庫全書

大學衍義補

十三

是蓋有以使之然者矣不獨是也又有赫赫然風聲
之盛濯濯然威靈之光此高宗所以享國長久而又
有以保安其後嗣子孫也

臣按京都為四方之極亦猶紫宮為周天之極也

有京師以為四方之極有帝王以建惟皇之極則

其為所以赫赫厥聲濯濯厥靈者有以聳萬國之

觀瞻為萬民之儀表傳之於千萬世而無窮矣

以上都邑之建上

欽定四庫全書

大學衍義補

十三

大學衍義補卷八十五

欽定四庫全書

大學衍義補卷八十六

明 丘濬 撰

治國平天下之要

備規制

都邑之建下

周禮惟王建國辨方正位體國經野設官分職以為民極

欽定四庫全書

大學衍義補
卷八十六

鄭玄曰建立也周公相成王營邑於土中是為雒邑
吳澂曰周公居攝營邑於洛中七年致政成王使居
洛邑治天下而立國都焉辨別也別東西南北之四
方正祖社朝市之位體猶分也經猶畫也體國者分
營其國之宮城門涂猶人身之有四體經野者畫治
其野之丘甸溝洫如織之有經緯也設官者謂設置
冢宰司徒之官分職者謂分辨掌治掌教之職為民
極者令天下之人各得其中不失所也

葉時曰周公所以為民立極者惟在王畿方位國野
官職之中蓋王畿立而後根本定方位設而後等級
明國野分而後疆理正官職舉而後綱目張民極之
立孰有大於此者

欽定四庫全書

大學衍義補
卷八十六

臣按天生民而立之君而君之為君必有所止而
示法則於上而施政教於下使天下四方咸而內
環拱之如衆星之於北極焉君建皇極於上所以
為民極於下也所以為民極者其本在於一人之
身然一人之身必有所居止之所其所居止必於
地大人衆之處四方道里適均之中而建其國都
焉國都之建不徒建也必辨其方東西南北前後
左右於此而取正也必正其位左祖右社前朝後
市於此而定制也國焉而體之何者為內朝何者
為外朝之類野焉而經之九夫為井四井為邑之
類所設之官自六卿至於百執事所分之職自掌
邦治至於掌邦土凡若此者雖若以奉君實則為

民而為之立極也極者何先儒謂極猶北極之義標準之名中立而四方之所取正焉者也極立於此是以近而鄉遂遠而侯國又遠而荒服之外來朝覲者於焉而合瑞封爵王者於焉而受命有才

能者於焉而獻藝為政教者於焉而質正有訟獄者於焉而取決所以然者極建於此也

大司徒以土圭之法測土深正日景以求地中日至之景尺有五寸謂之地中天地之所合也四時之所交也風雨之所會也陰陽之所和也然則百物阜安乃建王國焉制其畿方千里而封樹之

凡建邦國以土圭土其地而制其域

鄭玄曰土圭所以致四時日月之景也

臣按洛誥所謂自服於土中蓋以洛邑在周時為中國之中四方道里適均故於此宅中圖治以定四海之民也作周禮者見其中於中國故為天地所合四時所交風雨所會陰陽所和之說蓋盛稱

欽定四庫全書

大學衍義補

三

華夏之地居地勢之中得天氣之正時序正而寒

暑不過甚風雨時而收穫有定期非若偏方僻壤節候不正而時氣之大寒大暑物生不常而收穫之或早或晚也中國皆然而洛邑乃其要會焉故為此說耳雖然自三代以前則洛為中國之中以今天下觀之則南北衰而東西蹙則其所謂中者蓋在荆襄之間也朱子曰豈非天旋地轉闔浙反為天地之中閩浙在東南海盡處難以為中朱子

欽定四庫全書

大學衍義補

四

蓋以聲明文物通論天下非論地勢也

土方氏掌土圭之法以致日景以土地相宅而建邦國都鄙

鄭玄曰致日景者夏至景尺有五寸冬至景丈三尺其間則日有長短土地猶度地知東南西北之深而相其可居者宅居也

臣按大司徒凡建邦國以土圭度其地而土方氏掌土圭之法以土地相宅而建邦國都鄙蓋大司

徒掌建邦國乃國家之大事辨方正位體國經野
其事非一而用土圭以致日景以求地中特其中
之一事爾大司徒總其凡土方氏專其事有事之
時用其所職以輔相司徒也

匠人建國水地以縣音置槷以縣眡以景為規識日出
之景與日入之景畫參諸日中之景夜攷之極星以正
朝夕

匠人營國方九里旁三門國中九經南北之九緯東西
欽定四庫全書大學衍義補 卷八十六

為經涂九軌左祖右社面朝後市市朝一夫

鄭玄曰國中城內也經緯謂涂也經緯之涂皆九軌
積七十二尺

王昭禹曰先王建國必先於辨方正位是以匠人置
槷眡景必正地中以天地之所合四時之所交風雨
之所會陰陽之所和於是乎建王國也然其置槷必
先水地以懸使所直之臬必平而直然後可以正日
景也水莫動則平可因之以望高下之勢繩垂之而

墜可用之而正曲直之形以繩取其直又以水取其
平然後於所平之地置臬也爾雅曰在地者謂之臬
所謂槷則臬也於所平地之中央立八尺之表以縣
正之以眡日景將以正四方也於晝漏半又參諸日
中之景夜又攷之極星以北辰所居者天之中故也
又曰左入道之所向右地道之所尊言祖則宗可知
言社則稷可知朝者義之所在於朝言面則知市之
在所背於市言後則知朝之在所先朝者官吏之所

欽定四庫全書大學衍義補 卷八十六

會市者商賈之所聚一夫百畝之地然後足以容之
臣按匠人既曰建國又曰營國蓋作而立之謂建
言其始也周圍而治之以丈尺其小大謂之營言
其終也所謂置槷者疏家謂以水平地於四角立
四柱於四柱畔懸繩以正柱以水望其高下即知
地之高下然後平高就下而地乃平殆今世所謂
水平也與

春秋桓公九年紀季姜歸於京師

公羊傳曰京師者何天子之居也京者何大也師者何衆也天子之居必以衆大之辭言之

臣按穀梁傳亦云京大也師衆也言周必以衆與大言之也所謂京師者始於此後世因以天子所都為京師焉

周幽王為犬戎所殺於是諸侯乃即申侯而共立幽王太子宜臼是謂平王以奉周祀平王立東遷於洛邑

蘇軾曰周之失計未有如東遷之繆也自平王至於

欽定四庫全書

大學衍義補

七

亡非有大無道者也顯王之神聖諸侯服享然終以不振則東遷之過也今夫富民之家所以遺其子孫者田宅而已不幸而有敗至於乞假以生可也然終不敢議田宅今平王舉文武成康之業而大棄之此一敗而需田宅者也夏商之王皆五六百年其先王之德無以過周而後王之敗亦不減幽厲然至於桀紂而後亡其未亡也天下宗之不如東周之名存而實亡也是何也則不需田宅之效也使平王收豐鎬

之遺民而修文武成康之政以形勢臨諸侯齊晉雖強未敢貳也而秦何自霸哉魏惠王畏秦遷於大梁楚昭王畏吳遷於郢項襄王畏秦遷於陳考烈王畏秦遷於壽春皆不復振有亡徵焉東漢之末董卓劫帝遷於長安漢遂以亡近世李景遷於豫章亦亡故曰周之失計未有東遷之繆者也

臣按蘇軾謂遷都為周人失計舉後世遷都數君皆不復振而有亡國之徵是固然矣然此蓋謂衰敗之餘者爾若夫國勢方興之日或依形勢之固或就富庶之所或遠夷狄之害則不可專泥此說也

欽定四庫全書

大學衍義補

八

史記貨殖傳曰昔唐人都河東殷人都河內周人都河南夫三河在天下之中若鼎足王者之所更居也

臣按秦分天下為三十六郡有山川河東漢分三川為河南河內與河東號為三河是三郡者皆濱河之地故帝堯都平陽高都亳成王營洛邑皆以

河為運道達於河即達於京師也後世都汴洛者皆由汴水入河都長安者雖不濱河然亦由河入於渭是古今建都無有不資於河道者也我朝都燕咫尺瀛海則所以通天下之食貨以足國用者莫便於海焉蓋海道以天為界地界已盡而人之行者不止蓋天造地設以有待而為今日萬世無窮之利者也

秦始皇二十六年徙天下豪傑十二萬戶於咸陽

欽定四庫全書

大學衍義補

卷八十六

九

臣按此後世徙天下富民填實京師之始

漢初齊人婁敬過洛陽見漢高祖曰陛下都洛陽豈欲與周室比隆哉上曰然敬曰陛下取天下與周異周自后稷積德古累字善十有餘世至於文武而諸侯自歸之遂滅殷為天子及成王即位周公相焉乃營洛邑以為此天下之中也諸侯四方納貢職道里均矣有德則易以王無德則易以亡故周之盛時諸侯四夷莫不賓服及其衰也天下莫朝周不能制非惟德薄形勢弱也

今陛下起豐沛卷蜀漢定三秦與項羽戰滎陽成臯之間哭聲未絕傷者未起而欲比隆於成康之時臣竊以為不侔也夫秦地被山帶河四塞以為固卒然有急百萬之衆可立具也夫與人鬪不搯其亢拊其背未能制其勝也今陛下案秦之故地此亦搯天下之亢而拊其背也帝問羣臣羣臣皆山東人爭言周王數百年秦二世即亡洛陽東有成臯西有殽澠倍河鄉伊洛其固亦足恃也上問張良良曰洛陽雖有此固其中小不過數

欽定四庫全書

大學衍義補

卷八十六

十

百里田地薄四面受敵非用武之國也關中左殽函右隴蜀沃野千里南有巴蜀之饒北有胡苑之利阻三面而守獨以一而束制諸侯諸侯安定河渭漕輓天下西給京師諸侯有變順流而下足以委輸此所謂金城千里天府之國敬說是也上即日西都關中

陸贄曰關中古邦畿千里之地也王業根本於是在焉秦用之以傾諸侯漢因之以定四海蓋由憑山河之形勝宅田里之上腴內保一方當天下之半可以

養力俟時外制東夏據域中之大可以蓄威昭德

呂祖謙曰婁敬建入關之策則是至言周公營洛邑有德則易以王無德則易以亡乃戰國陋儒之說而論周秦形勢初未嘗考也豐鎬本文武成康之所都平王東遷始以封秦爾敬所談秦之形勢乃周之形勢也秦漢間人多不學但據目前言之東周以前全勝之周則識之者鮮矣羣臣皆山東人爭言洛陽東有成臯西有散泄倍河向洛其固亦足恃高帝獨非

欽定四庫全書

大學衍義補

十一

山東人乎與項羽富貴不歸故鄉之見異矣

臣按此秦以後都長安之始張良謂關中為用武之地阻三而而守獨以一面東制諸侯臣竊以謂今世都燕真所謂用武之地比之關中其所阻者亦有三面而亦獨以一面制天下之大凡虞州十二夏州九春秋國十二戰國國七其地皆在所臨制也較之關中則西有巴蜀之饒南有商鄧之險以為退步之地燕則前之進者無窮盡後之退者

有界限焉則是今日京師之勢大非漢唐都關中

比也關中地被山此則被乎大行一帶之險阻關中帶河北之所襟帶者則大海也然漢之邊在北咸陽去朔方餘千里唐邊在西長安去土蕃界亦幾千里焉今京都北抵居庸東北抵古北口西南抵紫荆關近者百里遠者不過三百里所謂居庸則吾之背也紫荆則吾之吭也據關中者將以搯中國之吭而拊其背都幽燕者切近於北狄則又將恐其反搯我之吭而拊我之背焉所以防蔽之者尤當深加之意蓋制人而不得猶不至於失已守已而或有所失則其害豈但不得於人而已哉高祖八年徙齊魏大族豪傑於關中劉敬言匈奴河南地去長安近者七百里輕騎一日一夜可以至秦中且諸侯初起時非齊諸田楚昭屈景莫能與今關中少民北近匈奴東有彊族一日有變陛下未得高枕而卧也願徙六國後及豪傑名家居關中無事可以備胡有變

欽定四庫全書

大學衍義補

十一

帥以東伐此疆本弱末之術也於是徙昭屈景懷田氏及豪傑民家居於關中與利田宅凡十餘萬口

臣按徙民以實京師必使其衣食用度無不如意忘其家之徙也然後賴其用不然養生送死有不瞻方且憂思怨恨之無已日有逃亡而已雖有之亦如無焉何名之為實哉必也寬之以力役優之以恩澤凡有征斂科賦視諸民為減省焉

光武元年十月車駕入洛陽幸南宮遂定都

欽定四庫全書

大學衍義補

卷八十六

十三

臣按後世建都洛陽始此周人營洛邑以為朝會之所非建都也至平王避犬戎始遷焉漢高祖始亦欲都洛後以婁敬張良之言都於長安光武中興始於此定都焉

諸葛亮至京口因觀秣陵山阜嘆曰鍾山龍盤石城虎踞此帝王之宅

臣按自古帝王之都多在江以北江南形勢之地莫若金陵自孫吳都此繼以東晉宋齊梁陳終於

南唐凡七代皆偏安一隅惟我聖祖始混一天下建都於此蓋自開闢天地以來所未有也

宋仁宗慶歷二年陝西按撫使范仲淹上言天有九閭帝居九重是以王公法天設險以安萬國也臣請陛下修東京高城深池軍民百萬足以為九重之備乘輿不出則聖人坐鎮四海而無煩動之勞鑿輿或出則大臣居守九重而無回顧之憂矣彼或謀曰邊城堅牢不可卒攻京師坦平而可深犯我若修固京師使不可犯則

欽定四庫全書

大學衍義補

卷八十六

十四

伐彼之謀而阻南牧之志矣寇入之淺則邊壘已堅寇入之深則都城已固彼請割地我可弗許也彼請決戰我可弗出也進不能為患退不能忘歸然後因而撓之返則追之縱有鈔掠可邀可奪彼衰我振未必不大勝豈非陛下保社稷安四海之全策哉或曰京師王者之居高城深池恐失其體臣聞後唐末契丹以四十萬衆送石高祖入朝而京城無備閔宗遂亡石晉時叛臣張彥澤引契丹犯闕而京城無備少主乃陷此皆無備而